

**MEĐUNARODNA KOMISIJA ZA NESTALE OSOBE
PROGRAM ZA ZAPADNI BALKAN**

**OTVORENI POZIV ZA UDRUŽENJA PORODICA NESTALIH OSOBA I ORGANIZACIJE CIVILNOG DRUŠTVA
(OCD) IZ BOSNE I HERCEGOVINE ZA DOSTAVLJANJE PROJEKTNIH PRIJEDLOGA ZA DODJELU ICMP-
OVIH MALIH GRANTOVA**

ZAPADNI BALKAN (2025 - 2026)

DATUM OBJAVE: 14. novembar 2025. godine

DATUM ZATVARANJA: 15. decembar 2025. godine

**I. PROGRAM DODJELE MALIH GRANTOVA MEĐUNARODNE KOMISIJE ZA NESTALE OSOBE
(ICMP)**

Međunarodna komisija za nestale osobe (ICMP) poziva udruženja i organizacije civilnog društva (OCD) da se prijave za “Dodjelu malih grantova za udruženja porodica nestalih osoba i organizacije civilnog društva iz Bosne i Hercegovine za 2026. godinu”.

ICMP je nezavisna, međunarodnim sporazumom utemeljena organizacija sa skoro 30 godina iskustva u 40 zemalja. Jedina je međunarodna organizacija čiji je zadatak isključivo rad na pitanju nestalih osoba. Pomaže zvaničnim organima vlasti u osnivanju institucija na temelju vladavine zakona, koje će uspješno i nepristrano tražiti i identifikovati nestale osobe. Podržava sve aktivnosti koje porodicama nestalih omogućuju ostvarivanje svojih prava.

II. O ICMP-ovom PROGRAMU ZA ZAPADNI BALKAN

ICMP na području zapadnog Balkana podržava regionalnu saradnju u traganju za nestalim osobama; efikasno radi na jačanju razvoja i međusobne saradnje OCD-ova, ali i njihove saradnje s vladama i domaćim nadležnim institucijama u regiji. Pokrenuo je primjenu najsavremenije tehnologije za analizu DNK i naprednih informatičkih rješenja za baze podataka u svrhu pronalaženja i identifikacije velikog broja nestalih osoba. Do danas je pronađeno i identifikovano više od 70 procenata od oko 40.000 osoba čiji je nestanak prijavljen po okončanju sukoba na području zapadnog Balkana.

III. ICMP-ov PROGRAM ZA DODJELU MALIH GRANTOVA

Putem Programa za dodjelu malih grantova, ICMP pruža finansijsku pomoć udruženjima porodica nestalih osoba i OCD-ovima registrovanim u Bosni i Hercegovini u svrhu provedbe projekata koji uključuju ciljeve, pristupe, aktivnosti i sadržaje usmjerene na:

- Promoviranje i podržavanje aktivnog, nezavisnog, konstruktivnog i održivog učešća porodica nestalih osoba u procesu;
- Davanje doprinosa u procesima ponovnog uspostavljanja pravde i osiguravanja pune kompenzacije za žrtve i preživjele;

- Poticanje saradnje između grupa preživjelih/žrtava bez obzira na sektaške, političke, etničke, religijske i sve druge razlike, kao i promoviranje nepristranih i nediskriminatornih pristupa rješavanju pitanja nestalih osoba; i
- Povećanje odgovornosti i transparentnosti u procesima pronalaženja nestalih osoba kroz podsticanje dijaloga i saradnje grupa preživjelih/žrtava sa državnim institucijama o pitanju nestalih.

IV. OBLASTI PODRŠKE

Projekti i aktivnosti čije je finansiranje predviđeno Programom dodjele malih grantova moraju biti u vezi s ulogom i izazovima s kojima se suočavaju porodice nestalih u Bosni i Hercegovini i trebaju biti usmjereni na najmanje jedan od sljedećih ciljeva:

- Podizanje svijesti, uključujući različite vrste komemorativnih i kulturnih događaja.
- Zagovaranje i lobiranje kako bi se osigurala puna primjena postojećeg zakonodavstva i ostvarivanje prava porodica nestalih.
- Poticanje saradnje između grupa preživjelih/žrtava bez obzira na sektaške, političke, etničke, religijske i sve druge razlike, kao i promoviranje nepristranih i nediskriminatornih pristupa rješavanju pitanja nestalih osoba.
- Osiguravanje stalne političke i materijalne podrške procesu od strane bosansko-hercegovačkih organa vlasti i međunarodne zajednice.
- Promoviranje odgovornosti i transparentnosti u procesu pronalaženja nestalih osoba, podržavanjem dijaloga i saradnje na rješavanju pitanja nestalih osoba između grupa koje okupljaju preživjele/žrtve i državnih institucija.

Projekti koji kao primarni cilj imaju obradu ličnih podataka u vezi s nestalim osobama ili njihovim srodnicima ili projekti fokusirani isključivo na pružanje psihosocijalne podrške porodicama nestalih neće biti razmatrani u okviru ovog poziva.

Prihvatljivi troškovi: kako bi se osiguralo da organizacije provedu aktivnosti i ostvare prethodno pomenute ciljeve, odobravaju se sljedeći troškovi:

Programski troškovi	Svi izdaci u vezi s konkretnim programom, projektom ili aktivnostima koje nisu dio tekućih troškova organizacije, npr: konsultanti, prevoz učesnika, obroci, smještaj, najam prostorija, ozvučenje, usluge i štampanje, materijali za događanja.
Organizacijski troškovi	Svi izdaci koji pokrivaju tekuće troškove funkcionisanja korisnika granta kao organizacije ili udruženja; uključujući plate, socijalno osiguranje ili uredske troškove konsultanta, opremu, materijale, putne troškove za zaposlene (do 30 procenata ukupnog iznosa granta).

V. IZNOS GRANTA, PRIHVATLJIVOST, DOSTAVLJANJE I DODJELA

Podnositelji zahtjeva mogu tražiti:

- Do 1.000 eura za organizaciju jednog događaja/sastanka (Grant sredstva za organizaciju događaja: trajanje projekta do dva mjeseca)
- Do 2.500 eura za mali projekat (Grant sredstva za male projekte: trajanje projekta do šest mjeseci)

5.1. Ko može aplicirati?

Udruženja porodica nestalih osoba i OCD-ovi:

- Koja su pravno registrovana kao neprofitne organizacije civilnog društva u Bosni i Hercegovini;
- Koja imaju dokazano iskustvo u provedbi projekata;
- Koja imaju dokazano iskustvo dobrog finansijskog upravljanja (dokazano kroz izradu godišnjih finansijskih izvještaja);
- Koja prijavljuju projekte direktno vezane za pitanje nestalih osoba.

ICMP će uvažiti prijave koje organizacije podnesu samostalno, ali **posebno ohrabruje zajedničke prijave dva ili više podnositelja prijave**. Kroz zajedničke prijave mogu se tražiti iznosi viši od unaprijed definiranih iznosa, a takve prijave razmatrati će se ovisno o dostupnosti sredstava, što će direktno ovisiti od ukupne kvalitete svih podnesenih prijava.

Prijave se dostavljaju na ICMP-ovim obrascima, popunjenim na engleskom ili bosanskom/hrvatskom/srpskom jeziku.

5.2. Rok za dostavljanje projekta: 15. decembar 2025. godine

Obavještenje o rezultatima procesa odabira očekuje se okvirno u januaru 2026. godine. Predviđeni početak provedbe projekata je nakon potpisivanja ugovora, a njegovo trajanje **ne može biti duže od 6 mjeseci**.

pozivaju se organizacije koje ispunjavaju uslove da prijave projekt putem ICMP-ovih obrazaca do navedenog roka za predaju u 17:00 sati po vremenu koje se računa na zapadnom Balkanu. Kako bi se utvrdila prihvatljivost prijave, ICMP može kontaktirati podnositelje prijave za dodatna pojašnjenja. Dodijeljeni grantovi mogu podlijegati promjenama u odnosu na originalni dostavljeni prijedlog.

ICMP zadržava pravo da finansira bilo koji dostavljeni prijedlog ili nijedan od njih.

Sve prijave moraju sadržavati:

- Prijedlog projekta;
- Prijedlog budžeta; i
- Profil organizacije.

Na sljedećem linku se nalaze obrasci za prijavu:

Link: https://icmp.int/wp-content/uploads/2025/10/BCS_forms.zip

Obrasce i dodatne odgovore na pitanja u vezi s ovim pozivom možete zatražiti putem sljedećeg e-maila: Elma.Majstoric@icmp.int



Schweizerische Eidgenossenschaft
Confédération suisse
Confederazione Svizzera
Confederaziun svizra

Ambasada Švicarske u Bosni i Hercegovini

Program dodjele malih grantova ZAPADNI BALKAN 2025.-2026. finansira Ambasada Švicarske u Bosni i Hercegovini, a sprovodi ICMP